

vneine Thiere den abend. Vnd wer jr Afs tregt / sol seine kleider wasschen / vnd vnrein sein / bis auff den abend / Denn solche sind euch vnrein .

Diese sollen euch auch vnrein sein vnter den Thieren / die auff erden kriechen / Die Wisel / die Maus / die Kröte / ein iglichs mit seiner art . Der Igel / der Molch / die Zyder / der Blindschleich / vnd der Maulworff . Die sind euch vnrein vnter allem das da krecht / Wer jr Afs anrühret / der wird vnrein sein / bis an den abend . Vnd alles worauff ein solch tod Afs fellet / das wird vnrein / es sey allerley hülzen gefess / oder kleider / oder fell / oder sack / vnd alles gerete / da mit man etwas schaffet / sol man ins wasser thun / vnd ist vnrein / bis auff den abend / als denn wirds rein .

Allerley erden gefess / wo solcher Afs eines drein fellet / wird alles vnrein was drinnen ist / vnd solts zubrechen . Alle speise die man isset / so solch wasser drein kompt / ist vnrein . Vnd aller tranck den man trinckt / in allerley solchem gefess / ist vnrein . Vnd alles worauff ein solch Afs fellet / wird vnrein / es sey ofen oder kessel / so sol mans zubrechen / denn es ist vnrein / vnd sol euch vnrein sein . Doch die Brünne vnd folke / vnd teiche sind rein . Wer aber jr Afs anrühret ist vnrein .

Vnd ob ein solch Afs fiel auff Samen den man geseet hat / so ist er doch rein . Wenn man aber wasser vber den Samen gösse / vnd fide darnach ein solch Afs drauff / so würde er euch vnrein .

Wenn ein Thier stirbt / das jr essen müget / wer das Afs anrühret / der ist vnrein bis an den abend . Wer von solchem Afs isset / der sol sein kleid wasschen / vnd wird vnrein sein bis an den abend . Also / wer auch tregt ein solch Afs / sol sein kleid wasschen / vnd wird vnrein sein bis an den abend .

Was auff erden schleicht / das sol euch eine Schew sein / vnd man sols nicht essen . Vnd alles was auff dem Bauch krecht / vnd alles was auff vier oder mehr füssen gehet / vnter allem das auff erden schleicht / solt jr nicht essen / Denn es sol euch eine schew sein . Macht ewre Seelen nicht zum schewsal / vnd verunreiniget euch nicht an jnen / das jr euch besuddelt .

Denn ich bin der HERR ewr Gott / Darumb solt jr euch heiligen / das jr heilig seid / denn ich bin Heilig . Vnd solt nicht ewre Seelen verunreinigen an irgent einem kriechenden Thier / das auff erden schleicht / Denn ich bin der HERR / der euch aus Egyptenland gefüret hat / das ich ewr Gott sey / Darumb solt jr heilig sein / denn ich bin Heilig .

Leuf. 19.  
1. Pet. 1.

Dies ist das Gesetz von den Thieren vnd Vogeln / vnd allerley kriechenden Thieren im wasser / vnd allerley thieren die auff Erden schleichen / Das jr vnterscheiden kündet / was vnrein vnd rein ist / Vnd welchs Thier man essen / vnd welchs man nicht essen sol .

XII.

Gesetz

für die / so ein Kneblin oder Madlin gebirt.



ND der HERR redet mit Mose / vnd sprach / Rede mit den kindern Israel / vnd sprich / Wenn ein Weib besamet wird / vnd gebirt ein Kneblin / So sol sie sieben tage vnrein sein / so lange sie jre krankheit leidet . Vnd am achten tage sol man das fleisch seiner Vorhaut beschneiden . Vnd sie sol da heim bleiben drey vnd dreissig tage / im blut jrer reinigung / Kein heiliges sol sie anrühren / vnd zum heiligtum sol sie nicht komen / bis das die tage jrer reinigung aus sind . Gebirt sie aber ein Meidlin / So sol sie zwo wochen vnrein sein / so lange sie jre krankheit leidet / Vnd sol sechs vnd sechzig tage da heim bleiben in dem blut jrer reinigung .

Luc. 2.

Vnd wenn die tage jrer reinigung aus sind / für den Son oder für die Tochter / Sol sie ein jerig Lamb bringen zum Brandopffer / vnd eine Jungetraube / oder Dordeltauben zum Sündopffer / dem Priester für die thür der Hütten

2 Wochen  
3 Tage

2 Auf Berg

den Hü...  
so w...  
oder...  
oder...  
So...  
Priest...  
delt...  
fleisch...  
für...  
das...  
in we...  
ge / v...  
ben...  
aber...  
den...  
gef...  
sol...  
der...  
w...  
sibet...  
denn...  
Priest...  
der...  
ists...  
ster...  
von...  
mag...  
fleisch...  
weis...  
bes...  
sol...  
sich...  
Priest...  
wei...  
Da...  
sol...  
se...  
er...  
S...  
tief...  
sch...